



REPUBLIKA E SHQIPËRISË
BASHKIA DIBËR

KARTELË SHOQËRUESE E VISTIMIT
TË PRAKTIKËS SHKRESORE

Praktika shkresore bashkëlidhur i është adresuar Bashkisë Dibër nga Prof. Feliks Bardosh Olibe
dhe mban nga dërguesi nr. 1301/1 prot
datë 22.12.2022 me trajtë të shkurtuar të përmbajtjes(lënda)

Për vendim nr. 122, dt. 22.12.22 të Keshillit Bashkiak

Praktika shkresore u protokollua në librin përkatës të Bashkisë Dibër me nr. hyrës prot 5889/1 datë 23.12.2022

Praktika u drejtohet për administrim:

-Znj/Z

-Znj/Z

-Znj/Z

-Znj/Z

me porosinë:


Administracioni bashkiak sipas kësaj

Afati i përgatitjes së praktikës shkresore(përgjigjes,..etj) së kërkuar nëpërmjet dokumentit të përshkruar do të jetë

Shënime nga nëpunësi/nëpunësit që përgatitën praktikën (përgjigjen) shkresore:

Peshkopi, më _____ .202__

NËPUNËSI QË BËN VISTIMIN E PRAKTIKËS



REPUBLIKA E SHQIPËRISË
PREFEKTI I QARKUT DIBËR

Nr.1301/1.prot.

Peshkopi, më 22.12.2022

Lënda : Per vendimin nr. 122, datë 22.12.2022 të Këshillit të Bashkisë Dibër

Drejtuar : BASHKISE DIBER

PESHKOPI

Në mbështetje të ligjit nr.107/2016, date 27.10.2016 “Për Prefektin e Qarkut”, neni 16, pasi verifikova për efekt ligjshmërie vendimin e Këshillit të Bashkisë Dibër nr.122, date 22.12.2022 “Për marrëveshje bashkëpunimi me UNICEF në kuadër të iniciativës Bashki mike e fëmijëve“, vendosa :

Miratimin në parim të aktit administrative objekt verifikim dhe shqyrtimi, në kushtet e zbatimit të legjislacionit aktual që rregullon marrëdhëniet juridike në atë fushë të së drejtës , veprime që kurdoherë janë përgjegjësi direkte administrativo-ligjore e strukturave të posaçme të Bashkisë Dibër që kanë paraqitur për miratim projekt aktin, bashkëlidhur këtij vendimi.





REPUBLIKA E SHQIPËRISË
BASHKIA DIBËR
KËSHILLI BASHKIAK DIBËR

Nr. 5880 Prot

Peshkopi, më 27.12.2022

Lënda: Dërgim vendimi

Drejtuar: Prefekti i Qarkut Dibër

Bashkëngjitur po ju dërgojmë për konfirmim Vendimin e Këshillit Bashkiak Dibër Nr.122

Datë: 22.12.2022

“Për marrëveshje bashkëpunimi me UNICEF në kuadër të iniciativës Bashki mike e fëmijëve

Duke ju falenderuar për bashkëpunimin,

Sekretari i Këshillit Bashkiak

Afrim Mikli





REPUBLIKA E SHQIPËRISË
BASHKIA DIBËR
KËSHILLI BASHKIAK DIBËR

VENDIM

Nr. 122 Datë 22/12 /2022

“Për marrëveshje bashkëpunimi me UNICEF në kuadër të iniciativës Bashki Mike e fëmijëve”

Mbështetur në ligjin Nr.139 datë 17.12.2015 ‘Për vetëqeverisjen vendore’ neni 9, pika 1.6, shkronja ‘a’ dhe nenin 64, shkronjat ‘a’ dhe ‘gj’, të ligjit nr. 139/2015 për “Vetëqeverisjen vendore”(i ndryshuar), Këshilli Bashkiak në mbledhjen e datës **22.12.2022**, me 19 vota pro, 2 kundër dhe 0 apstenim:

VENDOSI:

1. Të miratojë marrëveshjen e bashkëpunimit ndërmjet Bashkisë Dibër dhe UNICEF në kuadër të iniciativës “Bashki Mike e Fëmijëve”
2. Me zbatimin e këtij vendimi ngarkohet Drejtorja e Kabinetit, Bashkia Dibër.
3. Ky vendim hyn në fuqi pas konfirmimit për bazueshmëri ligjore nga Prefekti i Qarkut Dibër.
4. Vendimi u shpall me datë **22.12.2022**.

Kryetar Këshilli

Sokol Sava





REPUBLIKA E SHQIPËRISË

BASHKIA DIBËR

Nr prot.

Peshkopi, më 13.12.2022

PROJEKT VENDIM

NR. 02 DATË 14.12.2022

“Për marrëveshje bashkëpunimi me UNICEF në kuadër të iniciativës

Bashki Mike e fëmijëve”

Mbështetur në ligjin Nr.139 datë 17.12.2015 ‘Për vetëqeverisjen vendore’ neni 9, pika 1.6, shkronja ‘a’ dhe nenin 64, shkronjat ‘a’ dhe ‘gj’, të ligjit nr. 139/2015 për “Vetëqeverisjen vendore”(i ndryshuar).

Kryetari i Bashkisë Dibër, në mbledhjen e Këshillit Bashkiak datë _____.____.2022.

PROPOZON

1. Të miratojë marrëveshjen e bashkëpunimit ndërmjet Bashkisë Dibër dhe UNICEF në kuadër të iniciativës “Bashki Mike e Fëmijëve”
2. Me zbatimin e këtij vendimi ngarkohet drejtoria e kabinetit.
3. Ky vendim hyn në fuqi pas konfirmimit për bazueshmëri ligjore nga Prefekti i Qarkut Dibër.

Drejtoreshë e Kabinetit

Denisa BASHA

Përgjegjëse e Sektorit Juridik

Elona LUSHA

KRYETARI

Rahim SPAHIU



INICIATIVA “BASHKI MIKE E FËMIJËVE (ADOLESHENTËVE)”

Përmbledhje

Bashkia “Mike e Fëmijëve (Adoleshentëve)” është një iniciativë, ku bashkia zbatuese angazhohet për të përmirësuar jetën e fëmijëve brenda juridiksionit të tyre duke realizuar të drejtat e tyre siç janë artikuluar në Konventën e Kombeve të Bashkuara për të Drejtat e Fëmijës (KDF) dhe me specifikisht në nenet kryesore që janë: interesi më i mirë i fëmijës; mosdiskriminimi; zbatimimi i të drejtave, pjesëmarrja dhe pronësia; jeta dhe mbijetesa; si dhe respektimi i zërit të tyre.

Në praktikë, kjo iniciativë është një bashki, komunitet ose njësi administrative apo çdo organizim i qeverisjes vendore, në të cilën zërat, nevojat, prioritetet dhe të drejtat e fëmijëve janë pjesë përbërëse e politikave, programeve dhe vendimeve publike. Vizioni është që çdo fëmijë dhe i ri të shijojë fëmijërinë e tij dhe të arrijë potencialin e plotë brendabashkive/komuniteteve të tyre.

Fushat kryesore të ndërhyrjes

- Qeverisje e mirë vendore e bazuar në :
 - Planifikime bazuar në evidencë dhe monitorim të vendimeve lokale.
 - Sisteme të përmirësuara për politik bërje, buxhetim dhe monitorim.
 - Angazhime efikase të përfituesve dhe aktorëve të tjerë që punojnë për zbatimin e të njëtave objektivave.
- Mjedis të sigurtë, të pastër dhe të mbrojtur:
 - Lëvizja e sigurtë dhe e pavarur në qytet.
 - Mjedis të pastra dhe të gjelbërta.
- Mjedis mundësues dhe aftësitë e jetës
 - Gjithpërfshirja dhe pjesëmarrja
 - Inovacioni dhe teknologjia
- Loja dhe koha e lirë
 - Hapësira të aksesueshme për lojë dhe kohën e lirë
 - Standardet dhe mekanizmat e sigurisë

Objektiva e iniciativës

Nisma do të ndihmojë çdo bashki/komunitet që po punon për përfshirjen dhe avancimin e të drejtave të fëmijës në planet e tyre vendore, monitorimin dhe përditësimin e tyre bazuar në evidencë, si dhe angazhimin efikas të përfituesve dhe palëve të interesuara për të rritur sinergjinë e veprimeve.

Strategjitë kryesore

- Krijimi i mekanizmave dhe proceseve gjithëpërfshirëse për fëmijët (forumi këshillimor i fëmijeve/adoleshentëve, vlerësimi i situatës).
- Planifikimi dhe buxhetimi strategjik me fokus fëmijët.
- Monitorimi i vazhdueshëm dhe mbledhja e të dhënave për fëmijët.
- Marrja e masave aktive për të reduktuar/eliminuar diskriminimin.
- Komunikimi i vazhdueshëm, ndërgjegjësimi dhe advokimi për të drejtat e fëmijëve.

Roli i bashkisë zbatuese

Bashkitë zbatuese në bashkëpunim me UNICEF Shqipëri, do të zyrtarizojnë nismën duke zbatuar hapat e mëposhtëm:

- Koordinimi dhe nënshkrimi i Memorandumit të Mirëkuptimit.
- Koordinimi i zhvillimit të analizës së situatës së të drejtave të fëmijëve në konsultim me fëmijët dhe aktorët kryesorë në bashkinë/komunitetin specifik.
- Koordinimi i hartimit të Planit të Veprimit dhe angazhimi i palëve të interesuara për të siguruar buxhetin e nevojshëm.
- Finalizimi i planit vendor të veprimit dhe miratimi i tij nga Këshilli Bashkiak;
- Në koordinim me UNICEF-in në Shqipëri përcakton rolet/personat koordinues që do të përfaqësojnë iniciativën (njësia koordinuese lokale).
- Monitorimi i progresit dhe gjenerimi i dëshmimeve për të identifikuar dhe adresuar mundësitë dhe sfidat e mundshme gjatë zbatimit.

Roli i UNICEF Shqipëri

UNICEF Shqipëri do të mbikëqyrë dhe koordinojë nismën në nivel kombëtar. Roli i tij do të përfshijë:

- Përcaktimin e prioriteteve të përgjithshme kombëtare për nismën dhe objektivat kombëtare sipas qasjes metodologjike të miratuar.
- Finalizimin e modelit të iniciativës që do të përdoret më tej për vlerësimin dhe njohjen e bashkive miketë fëmijëve.
- Miratimin e planeve lokale të veprimit të hartuara nga bashkitë candidate, bazuar në kriteret e paracaktuara dhe prioritetet e përcaktuara në nivel kombëtar.
- Përcaktimin e kornizës dhe procesin e monitorimit dhe vlerësimit për bashkitë dhe komunitetet pjesëmarrëse.
- Njeh bashkitë/komunitetet miqësore për fëmijët dhe adoleshentët.

Cikli i zbatimit



Memorandumi i Mirëkuptimit

Zhvillohet dhe lidhet memorandumi i mirëkuptimit me bashkinë kandidate për zbatimin e iniciativës.



Analiza e Situatës

Zhvillohet analiza e situatës së të drejtave të fëmijëve dhe adoleshentëve në Bashkinë kandidate duke ekzaminuar statistikën, politikat lokale, ligjet dhe hulumtimet ekzistuese të lidhura me situatën dhe mirëqenien e fëmijëve dhe adoleshentëve. Kjo analizë lehtëson të kuptuarit e kontekstit, plotësimin e roleve dhe proceseve vendimmarrëse të qeverisjes vendore dhe aktorëve të tjerë në nivel vendor dhe nxjerr në pah fushat më të rëndësishme të shqetësimit për fëmijët dhe adoleshentët, shkaqet kryesore dhe atë që fëmijët dhe adoleshentët duan të ndryshojnë. Analiza do të informojë zhvillimin e Planit Lokal të Veprimit, do të vendosë bazat mbi të cilat do të monitorohet dhe vlerësohet progresi dhe impakti, do të ofrojë dëshmi për politikëbërjen dhe do të identifikojë nevojat për zhvillimin e kapaciteteve lokale. Analiza e situatës mbështet qeveritë vendore në identifikimin e sfidave lokale të të drejtave të fëmijëve, çfarë pasojash kanë për fëmijët dhe adoleshentët dhe ndryshimet dhe rezultatet e parashikuara.



Ngritja e mekanizmit lokal koordinues

(i) Krijohet Komiteti drejtues i iniciativës, i cili ofron udhëzime dhe drejtime të përgjithshme mbi zbatimin e saj, dhënë konkretisht miraton planin e vprimit dhe buxhetin vendor të iniciativës; identifikon personin koordinues për rolin e sekretariatit dhe monitorin progresin dhe identifikon dhe adreson mundësitë dhe sfidat e mundshme.

(ii) Krijohet forumi konsultativ i fëmijëve (Fëmijët dhe Adoleshentët) i cili ofron një mekanizëm formal për të nxitur dhe zbatuar pjesëmarrjen e fëmijëve në vendimmarrjen e qeverisjes vendore. Si përfaqësues (zëri) i fëmijëve, Këshilli mund të përdoret si një iniciativë miqësore me fëmijët dhe adoleshentët, duke hartuar politikat pjesëmarrëse dhe përfshirjen e qytetarëve të fëmijëve dhe të rinjve në komunitetet ku ata jetojnë.



Finalizimi/Aprovimi i Planit

Zhvillohet korniza e veprimit, prioritizimi i qëllimeve dhe zhvillimi i Planit të Veprimit (2 deri në 5 vjet) bazuar në gjetjet e analizës së situatës. Hapat kyç janë formulimi i një teorie ndryshimi, zhvillimi i një kuadri logjik me tregues për të monitoruar progresin dhe ndikimin, dhe identifikimi i roleve, përgjegjësive dhe afateve, si dhe burimeve (ndarja e buxhetit) për aktivitetet në Planin e Veprimit. Planet e Veprimit do të përqendrohen në fushat e synimeve kryesore të përcaktuara dhe janë ato më urgjente, përmes masave që janë në kompetencë dhe mandat të autoriteteve të bashkive përkatëse. Konkretisht, Plani i Veprimit përcakton objektivat, aktivitetet,

treguesit me bazat dhe objektivat, afatet kohore dhe ndarjen buxhetore për çdo fushë dhe aktivitet për të siguruar angazhimin e duhur financiar dhe të burimeve njerëzore. Rolet dhe përgjegjësitë duhet të përcaktohen qartë për të siguruar përgjegjësitë për zbatimin dhe monitorimin. Koordinimi ndërsektorial është çelësi integral. Një konsensus i gjerë lokal duhet të arrihet përmes një procesi konsultativ.



Zbatimi i Planit të Veprimit

Pasi Plani i Veprimit finalizohet dhe miratohet nga Këshilli Bashkiak dhe UNICF Shqipëri, faza tjetër është fillimi i zbatimit dhe përmbushja e objektivave të identifikuar në fushat përkatëse, me fokus në përmbushjen e afateve të dakorduara dhe respektimin e buxheteve në dispozicion.



Monitorimi i progresit dhe gjenerimi i evidencave

Mblidhen të dhëna vjetore për qëllime monitorimi nga Njësia Koordinuese lokale me mbështetjen e aktorëve të ndryshëm kyç, sipas përgjegjësive të përcaktuara në Planin e Veprimit. Kjo punë do të integrohet sa më shumë që të jetë e mundur në proceset ekzistuese lokale për mbledhjen e të dhënave. Ekzistenca e të dhënave cilësore është gjithashtu e rëndësishme sepse ato mund të ofrojnë shembuj dhe tregime ilustruese se çfarë ka ndryshuar, pse ka ndryshuar dhe çfarë ndikimi ka pasur në të drejtat dhe jetën e fëmijëve. Një analizë e gjetjeve duhet të kryhet çdo vit (nga njësia koordinuese lokale ose partneri i caktuar) për të vlerësuar progresin e bërë drejt objektivave dhe treguesve të rënë dakord në Planin e Veprimit në formën e një raporti..



Vlerësimi

Bëhet vlerësimi i pavarur i zbatimit të Planit të Veprimit në fund të ciklit për të matur progresin dhe ndikimin e tij në nivel lokal. Vlerësimi do të vlerësojë arritjet e synuara dhe të pasynuara dhe do të hetojë arsyet pse disa aspekte të zbatimit janë zbatuar ose nuk janë zbatuar siç është planifikuar. Autoritetet vendore do të ndajnë gjetjet në publik për të vazhduar nismën dhe komitetet vendore me mbështetjen teknike të njësive koordinuese do të rishikojnë treguesit duke mbajtur treguesit përkatës që ofrojnë dëshmi përkatëse dhe mund të përfshihen tregues të rinj që janë bërë të rëndësishëm. Gjetjet do të shpërndahen në formën e një raporti miqësor për fëmijët dhe adoleshëntët.



REPUBLIKA E SHQIPËRISË
BASHKIA DIBËR

Nr. 5846 Prot

Dibër, më 22.12.2022

unicef
for every child

UNICEF-i NË SHQIPËRI

Nr. _____ Prot

Dibër, më 22.12.2022

MARRËVESHJE BASHKËPUNIMI

NDËRMJET

BASHKISË SË DIBRËS

DHE UNICEF

Kjo **Marrëveshje Bashkëpunimi** (referuar në vijim si “**Marrëveshja**”) zyrtarizon partneritetin dhe angazhimin e Bashkisë së Dibrës dhe Fondit të Kombeve të Bashkuara për Fëmijët (“UNICEF”), për të përcaktuar mënyrat e bashkëpunimit në kuadër të Inicativës “Bashki mike e fëmijëve” në Shqipëri.

Midis:

Bashkisë së Dibrës, me adresë Bulevardi “Elez Isufi”, Peshkopi, Shqipëri, përfaqësuar nga Z. Rahim Spahiu, Kryetar i Bashkisë, referuar në vijim si “Bashkia e Dibrës”

dhe

UNICEF, një organizatë ndër qeveritare, themeluar përmes Rezolutës 57 (I), miratuar nga Asambleja e Përgjithshme e Kombeve të Bashkuara më 11 dhjetor 1946, si një organ përfaqësues i Asamblesë së Përgjithshme të Kombeve të Bashkuara, me zyrë në Rruga “Skënderbej”, Ndërtesa e OKB-së, Kati i 3-të, Tiranë, Shqipëri, përfaqësuar nga Dr. Roberto De Bernardi, referuar në vijim si “UNICEF”.

Bashkia e Dibrës dhe UNICEF-i, referuar në vijim si “**Palë**” më vete dhe “**Palët**” bashkërisht,

Duke marrë parasysh se:

- A. Bashkia e Dibrës është njësi e qeverisjes vendore, ngritur në përputhje me Kushtetutën e Shqipërisë, e cila ndërmerr, midis të tjerash, nisma për mbrojtjen dhe promovimin e të drejtave të fëmijëve, të rinjve dhe familjeve që janë pjesë e juridiksionit të saj.





REPUBLIKA E SHQIPËRISË
BASHKIA DIBËR

unicef 
for every child

UNICEF-i NË SHQIPËRI

- B. UNICEF, në përputhje me Kartën dhe Deklaratat e Misionit, punon me qeverinë, shoqërinë civile dhe organizata të tjera në mbarë botën për përparimin e të drejtave të fëmijëve udhëhequr nga Konventa e të Drejtave të Njeriut.
- C. Bashkia e Dibrës dhe UNICEF shprehin dëshirën për të bashkëpunuar në kuadër të Inicativës “Bashki mike e fëmijëve” sipas termave dhe kushteve të parashikuara me anë të kësaj Marrëveshjeje.

Palët bien dakord si më poshtë vijon:

NENI 1

Qëllimi i Marrëveshjes

Marrëveshja synon vendosjen e bashkëpunimit institucional ndërmjet palëve me qëllim krijimin e mekanizmave për funksionimin e Inicativës “Bashki mike e fëmijëve” në Dibër.

Përmes kësaj Marrëveshjeje, Palët shprehin angazhimin dhe përcaktojnë detyrimet e përbashkëta për ndërmarrjen e hapave dhe veprimtarive të nevojshme për arritjen e këtij qëllimi.

NENI 2

Baza ligjore

Kjo Marrëveshje bazohet në:

- i. nenin 9, pika 1.6, shkronja “a” dhe nenin 64, shkronjat “a” dhe “gj”, të ligjit nr. 139/2015 për “Vetëqeverisjen vendore” (i ndryshuar);
- ii. Ligjin nr. 7850, datë 29.07.1994 “Kodi Civil i Republikës së Shqipërisë” (i ndryshuar);
- iii. Marrëveshjen Bazë të Bashkëpunimit të nënshkruar nga Qeveria Shqiptare dhe UNICEF më 23 korrik 1993;
- iv. Ligjin nr. 121/2016 “Për shërbimet e kujdesit shoqëror në Republikën e Shqipërisë”
- v. Ligjin nr.18/2017 “Për të Drejtat dhe Mbrojtjen e fëmijës”, Neni 46, pika a, b, c, ç, d.
- vi. Agjenda Kombëtare për të Drejtat e Fëmijëve 2021-2026





REPUBLIKA E SHQIPËRISË
BASHKIA DIBËR



UNICEF-i NË SHQIPËRI

- vii. Programin e Bashkëpunimit për Zhvillimin e Qëndrueshëm, nënshkruar nga Qeveria Shqiptare dhe Organizata e Kombeve të Bashkuara më 25 tetor 2021, për periudhën 2022-2026;
- viii. Dokumentin e Programit të UNICEF për Shqipërinë, miratuar nga Bordi Ekzekutiv i UNICEF-it në shtator 2021, për periudhën 2022-2026; dhe
- ix. Planin e Punës së UNICEF-it 2022-2023.

NENI 3

Objekti dhe Fusha e Veprimtarisë

- 3.1 Objekti i Marrëveshjes është përcaktimi i komponentëve të ndërveprimit të Palëve, në kuadër të zbatimit të iniciativës “Bashki mike e fëmijëve”. Kjo iniciativë synon të fuqizojë bashkitë, komunitetet ose njësitë administrative e qeverisjes vendore, në të cilat zërat, nevojat, prioritetet dhe të drejtat e fëmijëve janë pjesë përbërëse e politikave, programeve dhe vendimeve publike. Vizioni është që çdo fëmijë dhe i ri të shijojë fëmijërinë e tij/saj dhe të arrijë potencialin e plotë të zhvillimit.
- 3.2 Bashkia e Dibrës dhe UNICEF mund ta rinovojnë/ rishikojnë Marrëveshjen, në varësi të progresit të shënuar dhe sfidave të reja që mund të lindin gjatë bashkëpunimit midis Palëve.
- 3.3 Fusha e veprimtarisë së Marrëveshjes do të përfshijë të gjitha veprimtaritë dhe nismat e tjera që kanë lidhje me zbatimin e objektit të kësaj Marrëveshje.

NENI 4

Detyrimet e Palëve

- 4.1 Sipas Nenit 1, **Bashkia e Dibrës** do të:
 - i. Delegojë funksionet koordinuese të nismës “Bashki mike e fëmijëve” tek një personel në Bashki, i cili do të ketë përkrahje pune të rishikuar për të përfshirë përgjegjësitë e reja. Ky personel nuk duhet të jetë nga sektori i mbrojtjes së fëmijëve.
 - ii. Drejtojë dhe koordinojë me aktorë të ndryshëm (qeveritar dhe joqeveritar) ngritjen e strukturave mbikëqyrëse për nismën (komiteti drejtues i iniciativës).
 - iii. Krijojë forumin konsultativ të fëmijëve, si organ këshillimor pranë këshillit bashkiak. Përfaqësimi i fëmijëve në forum do të jetë nga të gjitha shkollat e bashkisë, në nivel qeverie nxënësish. Për këtë arsye një memorandum mirëkuptimi do të lidhet me



REPUBLIKA E SHQIPËRISË
BASHKIA DIBËR



UNICEF-i NË SHQIPËRI

Drejtorinë Rajonale të Arsimit Parauniversitar Dibër. Në partneritet edhe me organizatat e shoqërisë civile, do të organizohen 2 dëgjesa në këshill bashkiak me fëmijët në lidhje me buxhetimin për nevojat e tyre.

- iv. Koordinojë përpjekjet për mbledhjen e statistikave të fëmijëve; të kryejë dhe shpërndajë analizën e situatës së të drejtave të fëmijëve për Bashkinë Dibër, (me angazhimin e fëmijëve, prindërve dhe aktorëve të tjerë kryesorë vendorë).
 - v. Koordinojë hartimin e Planit të Veprimit (3 vjeçar), duke siguruar angazhimin e të gjithë aktorëve dhe të mundësojë mbulimin e sa më shumë aktiviteteve me buxhetin e nevojshëm. Ky proces do të mundësojë krijimin e një regjistri të nevojave për bashkëfinancime apo projekte në fushën e zhvillimit/realizimit të objektivave.
 - vi. Dorëzojë planin e veprimit dhe raportin vjetor të progresit në Këshillin Bashkiak për miratim.
 - vii. Koordinojë përpjekjet për monitorimin dhe raportimin vjetor të Planit të Veprimit, për të identifikuar arritjet, nevojat dhe sfidat e mundshme gjatë zbatimit.
 - viii. Promovojë iniciativën përmes platformave të ndryshme.
- 4.2 Sipas Nenit 1, **UNICEF-i**, në varësi të burimeve financiare dhe njerëzore në dispozicion do të:
- i. Ofrojë mbështetje teknike për kryerjen e analizës së situatës së të drejtave të fëmijëve në Bashkinë Dibër.
 - ii. Ofrojë mbështetje teknike për hartimin e Planit të Veprimit (3 vjeçar), përcaktimin e prioriteteve, aktiviteteve dhe kornizës së rezultateve.
 - iii. Ofrojë mbështetje teknike për përcaktimin e roleve dhe përgjegjësive të komitetit drejtues të nismës “Bashki mike e fëmijëve” dhe trajnimin e anëtarëve të komisionit, përfshirë përfaqësues të shoqërisë civile.
 - iv. Ofrojë mbështetje teknike për ngritjen e forumit konsultativ të fëmijëve dhe trajnimin e tyre për të kontribuar në hartimin e Planit të Veprimit dhe monitorimin e tij. Si pjesë e trajnimeve do të jetë dhe fuqizimi i fëmijëve për ta përçuar zërin e tyre në degjësat me këshillin bashkiak gjatë buxhetimit.
 - v. Ofrojë mbështetje teknike në monitorimin dhe raportimin vjetor të zbatimit të Planit të Veprimit.
 - vi. Promovojë iniciativën përmes platformave të ndryshme.





- vii. Promovojë platformën U-Report, si një mundësi për fëmijët dhe adoleshëntët për të dhënë mendimin e tyre mbi çështjet që i shqetësojnë ata në komunitetet ku jetojnë.
- 4.3 Përveç listës së veprimeve të mësipërme, secila palë mund të kërkojë të shtojë përgjegjësi shtesë si pjesë e këtij bashkëpunimi. Në këtë rast, veprimet shtesë do të konfirmohen me shkrim ndërmjet palëve.

NENI 5

Kohëzgjatja e Marrëveshjes dhe Hyrja në Fuqi

- 5.1 Kjo Marrëveshje është e vlefshme deri më 30 Dhjetor 2025, përveç nëse zgjidhet përpara kësaj date nga Palët.
- 5.2 Kjo Marrëveshje hyn në fuqi pas nënshkrimit nga Palët.

NENI 6

Pronësia Intelektuale

- 6.1 Në përputhje me rregullat, rregulloret, politikat dhe procedurat e UNICEF-it, të gjitha të drejtat e pronësisë intelektuale dhe të drejtat e tjera pronësore, duke përfshirë, por duke mos u kufizuar te materialet e shtypura ose të shkruara, materialet me pamje dhe zë, apo materialet e tjera, që përgatiten, mblidhen ose prodhohen si rezultat i ose gjatë zbatimit të Projektit, i përkasin UNICEF-it. Asnjë element në këtë Marrëveshje nuk jep asnjë të drejtë për pronësinë intelektuale mbi këto materialet. Gjatë kohëzgjatjes së kësaj Marrëveshje, UNICEF mund t'i japë leje me shkrim Bashkisë së Dibrës për t'i përdorur këto materialet, të cilat i nënshtrohen kushteve të përdorimit, siç përcaktohen nga UNICEF.
- 6.2 Secila prej Palëve merr përsipër ta përdorë logon dhe emblemën e Palës tjetër, sipas rastit, në lidhje vetëm me këtë Marrëveshje, përveçse kur merret leje paraprake për raste të veçanta nga njëra prej Palëve dhe Pala tjetër njoftohet me shkrim.
- 6.3 Të gjitha informacionet dhe materialet, duke përfshirë edhe informacionin e transmetuar dhe digjital që Bashkia e Dibrës synon t'ia ofrojë publikut apo palëve të treta, të cilat janë Pronë e UNICEF-it apo i referohen Marrëveshjes ("Materiale Promovuese") duhen rishikuar dhe miratuar me shkrim nga UNICEF-i përpara se të përdoren. Materialet që paraqiten për miratim duhet të jenë në përputhje me Paketën e Mjeteve të Brandit të UNICEF-it. Bashkia e Dibrës nuk mund ta ndryshojë pamjen ose paraqitjen e Pronave të UNICEF-it. Miratimi i UNICEF-it duhet të jepet brenda pesë (5) ditësh pune. Nëse nuk merret miratimi me shkrim i UNICEF-it, materiali konsiderohet i pamiratuar. Bashkia e



Dibrës mbulon të gjitha kostot e prodhimit dhe shpërndarjes së Materialeve Promovuese, përveç kostove të veta për asistencën në përgatitje, që mbulohen nga vetë UNICEF-i.

NENI 7

Të ndryshme

- 7.1 Kjo Marrëveshje përfshin të gjitha komunikimet e tjera midis Palëve lidhur me objektin e tij, qoftë me shkrim ose jo.
- 7.2 Çështjet që nuk janë parashikuar në këtë Marrëveshje adresohen në përputhje me Planet e Veprimit ose korrespondencën e shkëmbyer midis Palëve.
- 7.3 Çdo ndryshim i kësaj Marrëveshje bëhet me shkrim dhe me marrëveshje midis Palëve.
- 7.4 Palët mund ta zgjidhin këtë Marrëveshje përmes njoftimit me shkrim vetëm nëse rrethanat çenojnë zbatimin me sukses të Planit të Veprimit, të përgatitur për këtë qëllim.
- 7.5 Palët zbatojnë të gjitha veprimtaritë dhe/ose ekspertizën e programuar apo të kërkuar në kuadrin e kësaj Marrëveshje, që janë në proces e sipër në momentin e zgjidhjes së kësaj Marrëveshje.
- 7.6 Të gjitha njoftimet, apo komunikimet në kuadrin e kësaj Marrëveshje, bëhen me shkrim dhe i dërgohen Palëve në adresat e mëposhtme:

UNICEF në Shqipëri

Personi i Kontaktit: Specialistja e Monitorimit të të Drejtave të Fëmijëve dhe Vlerësimit

Zj. Elda Denaj, e-mail: edenaj@unicef.org

Bashkia e Dibrës

Drejtori i kabinetit të kryetarit

Denisa Basha, e-mail basha.deni@hotmail.com

- 7.7 Asnjë element i kësaj Marrëveshje ose lidhur me të nuk konsiderohet si heqje dorë, qoftë shprehimisht, apo në mënyrë të nënkuptuar, nga asnjë prej privilegjeve apo imuniteteve të Organizatës së Kombeve të Bashkuara dhe organeve të saj përfaqësuese, duke përfshirë edhe UNICEF-in, qoftë në kuadër të Konventës së OKB-së të Privilegjeve dhe Imuniteteve, apo të instrumenteve të tjera, dhe asnjë dispozitë e kësaj MM-je nuk interpretohet apo zbatohet në mospërputhje me këto privilegje dhe imunitete.





**REPUBLIKA E SHQIPËRISË
BASHKIA DIBËR**

unicef 
for every child

UNICEF-i NË SHQIPËRI

Kjo Marrëveshje hartohet dhe nënshkruhet në 4 (katër) kopje të barasvlershme në gjuhën angleze dhe shqipe, 2 (dy) kopje për secilën palë. Në rast mospërputhjes midis dy versioneve, mbizotëron ai në gjuhën angleze.

Për sa më sipër, Palët ekzekutojnë këtë Marrëveshje Mirëkuptimi.

Z. Rahim Spahiu

Dr. Roberto De Bernardi

Kryetar

Bashkia Dibër



Përfaqësues

**Fondi i Kombeve të Bashkuara për
Fëmijët**

